

西山題跋

目錄

卷之一

跋錢文季少卿維摩菴記

跋安吳二宣撫所稱安居士帖

跋吳仲堅史論

跋豫章黃量詩卷

書譙閔王事迹後

西山題跋

目錄

汲古閣

跋章冠叟困齋記

了翁帖

跋晦翁感興詩

跋鄭大惠飯牛集

跋蕭定所藏胡文定碧泉詩卷

跋張魏公不欺室銘

題劉靜春與彭止堂帖併彭仲誠墨莊五

詩後



跋陳復齋爲王實之書四事箴

跋邨氏族系

跋楊和父印施普門品

跋傅侍郎奏議後

石鼓挽章祭文後

蔡真人誥碑

梅溪續集

歐陽四門集

西山題跋

目錄

汲古閣

儲襄陽申請

東坡書歸去來辭

顏魯公與郭定襄論坐次帖

二吳公帖

陳慧父竹坡詩藁

任漢州所藏朱文公與南軒先生書帖

任漢州發策本末

楊文公書玉溪生詩

許介之詩卷

胡子知言藁

呂子約與彭仲誠帖

金尚書撰陳丞相誌銘藁

王舍人元石家傳

趙浦城祖殿撰叔近遺事

題李果齋所書鄭伯元詩後

卷之二

西山題跋

目錄

鄭居士手寫古文孝經

江峰文集

詹應之三經

慈湖先生行述

慈湖訓語

絜齋先生訓語

建昌三傳君行狀

著作正字二劉公誌銘

汲古閣

著作劉公奏藁

著作春秋講義

史記考異

南軒東萊帖跋

東萊與劉公帖

夏宗禹悟真講議

畫師帖

羅文恭公奏議

西山題跋

目錄
四

汲古閣

羅氏六有齋詩

宋仁叔編仁說

周氏翰苗記

史大師與通奉帖

書穎齋記

葉清父同歸錄後序

楊文公真筆遺教經

感應篇

太一天尊應驗錄

勅封慧應大師後記

赤松子經

蜀人游監簿慶元黨人家乘後跋

楊慈湖手書孔壁孝經跋

跋誠應廟記

跋湯士恭手書周易諸經

跋周子德穎齋記

西山題跋

目錄

跋王祕監文集

跋平寇錄

贈五行任君

卷之三

跋陳正獻公詩集

跋黃瀛甫擬陶詩

跋包敏道講義

跋宋正甫記章泉事

汲古閣

跋南軒先生送定叟弟赴廣西任詩十三
章

跋西園宋茂叔遺藁

跋宋正甫詩集

跋趙章泉作何夫人墓表

跋蔡節齋題張生所畫文公像

跋餘干陳君集杜詩

跋蔡忠惠帖

西山題跋

目錄
六

跋山谷黃槩字序

汲古閣

跋黃君汝宐廷對策後

跋張魏公五遂堂墨帖

跋困齋方公耕道事實

跋龔尉所記全氏心遠室

跋章翔卿詩集

跋虞復之春秋大義

跋袁侍郎機仲奏議

跋宗上人所藏楊文公劉寶學朱文公真蹟

跋王雙巖文集

跋辛簡穆遺事

跋朱文公所書諫議馬公詩

跋陳北山帖

跋朱文公帖

跋劉慶子母胡夫人萱堂記

西山題跋

目錄

跋項吉父講義

跋南軒先生永州雙鳳亭記

跋徐德夫所藏朱文公五帖

跋南軒先生周氏寓齋詩

跋輔漢卿家藏朱文公帖

跋文公詩元亨播羣品篇親書示鄧邠老

跋王樞使軒山集

跋江西趙漕救荒錄

汲古閣

題全氏步雲齋

跋曹唐弼通濟倉記

跋高宗皇帝賜洪忠宣公冬服手詔

跋孝宗皇帝卹刑御筆

跋彭忠肅公文集

跋孔從龍洙泗言學

跋劉靜春與南軒帖

跋陳復齋詩卷

西山題跋

目錄

汲古閣

跋劉彌邵讀書小記

跋張平仲注三略

跋祕閣太史范公集

跋天台劉深父杯水編

跋陳北山序黃春伯本末

跋永嘉劉君誌銘

跋黃容安僻地集

西山題跋目錄終

西山題跋卷之一

建安 真德秀

撰

海虞 毛晉 訂

跋錢文季少卿維摩菴記

安濟坊旣成欲自爲數語志諸壁未暇也偶得錢君此記其言維摩詰非有位者也而能視人之病爲己之病今吾徒奉君命食君祿乃不能以民病爲己責是詰之罪人也嗚呼斯言至矣使自爲之西山題跋

卷之一

汲古閣

亦何以過此哉遂以錢公舊刻榜于維摩室以示來者庶幾有所感動而興起云

跋安吳二宣撫所稱安居士帖

觀安吳二公之書則君之爲一世奇士也可知矣予聞青城栽眉諸山往往有隱君子在焉而世人莫之識如安君者固有識之者矣而莫或用之卒畱落東南以死其可愴也夫其亦可嘆也夫

跋吳仲堅史論

余端憂多暇因疏古今興亡事數十條于讀書記
將與兒姪輩講論其所以然仲堅吳兄見之廼筆
爲一篇其學術有本源其議論有根據其文勢有
闔闢予再三讀歎息不能已政使自爲之復何以
過此哉雖然天下之義理無窮古今之事變亦異
以仲堅之學力誠能充長不已則其議論文采又
將以進乎此者予將屢歎而未休也歲壬午孟秋
十日某書以勉之

西山題跋

卷之一

汲古閣

跋豫章王量詩卷

乾坤有清氣散入詩人脾此唐貫休語也予謂天
地間清明純粹之氣盤薄克塞無處不有顧人所
受何如耳故德人得之以爲德材士得之以爲材
好文者得之以爲文工詩者得之以爲詩皆是物
也然才德有厚薄詩文有良窳豈造物者之所與
有不同邪詩曰瑟彼玉瓚黃流在中玉瓚至寶也
黃流至潔也夫必至寶之器而後能受至潔之物

世人胸中擾擾私欲萬端如聚蟻虻如積糞壤乾坤之英氣將焉從入哉故古之君子所以養其心者必正必清必虛必明惟其正也故氣之至正者入焉清也虛也明也亦然予嘗有見於此久矣方其外誘不接內欲弗萌靈襟湛然奚慮奚容當是時也氣象何如哉溫然而仁天地之春肅然而義天地之秋收斂而凝與元氣俱貞泮奐而休與和氣同游則詩與文有不足言者矣此予之所自得

西山題跋

卷之一
三

汲古閣

未嘗以告人雙井黃子橐其詩數百首謁予於星沙予眎其人襟韻豁然若無所滯礙者故樂爲言之行乎勉哉異時望子之眉睫而知其詩之進否矣雖然予所以竢子者豈獨詩也哉

書譙閔王事迹後

按譙王初與零陵太守尹奉建昌太守長沙王循衡陽太守淮陵劉翼春陵令長沙易雄同舉兵討賊其後魏又攻長沙城中固守相持且百日翼戰

死又遂拔長沙則翼之與城蓋相爲存亡也魏又
以檻車載譙王及易雄送武昌王旣中涂被害雄
之與王又相與存亡也二人者不獲從王之祀可
乎又王之舉兵宜都內史周級使其兄子該詣長
沙申款魏又等攻湘州急王遣該及從事周琦聞
出求救皆爲邏者所得崎旣抗解揚之節該被拷
至死終不言其故亦可謂志義之士矣該雖非王
官屬然實爲王而死崎旣從祀該不當獨遺及王

西山題跋

卷之一
四

汲古閣

之被執佐吏奔散惟主簿桓雄書佐韓階從事武
延毀服以從不離左右雄旣爲又所殺階延執志
愈固卒送王喪至都葬之而去三人者志節略同
而雄又以死聞階旣與祀矣雄與延乃未之及何
邪若鄧騫者雖有先知之明且嘗爲王求援於甘
卓卓畱之不從非不忠於所事者及城陷王死乃
爲魏又別駕毀節事讐良所未諭今以劉翼易雄
桓雄武延周該並從祀于廟而黜鄧騫庶以昭君

臣之大義使抗志不渝者知所勸而執節不終者亦知所戒云

跋章冠叟困齋記

冠叟以困名齋餘二十年前乎此身未嘗困也今則真困矣易於澤無水之象曰君子以致命遂志夫窮達得喪制命於天世之以學自名者孰不知之一旦居窮處約焦然如鮒之在涸轍其能真委之命而不戚嗟涕沲者幾希蓋理未窮性未盡而西山題跋

卷之一
五

汲古閣

所謂命者亦知其麤焉而已聖人於困之象不曰知命而曰致命致云者推致其極而亡一毫不至之謂也其指顧不深哉學者用力之方其亦曰窮天下之理而已爾理窮而後能盡性性盡則至於命焉理也性也命也亦曷嘗有二邪富貴而不知命志未嘗不鬱困窮而知命志未嘗不紆此致命之所以遂志也張子曰貧賤憂戚庸玉女於成也冠叟其有味於斯言則天之所以厄冠叟者祇所

以玉冠叟也予方歸隱西山將以是自勉冠叟其亦知所勉哉與時望子之眉睫而知其志之遂與否也

推致其極本伊川說後見本義以政命爲委致其命乃知推致之說未盡姑記于此

了翁帖

李忠定公跋臨江蕭君所藏了翁帖謂其不循古人格轍自有一種風味今觀此帖信然其曰山陽盜歎之餘衰索殊甚隨緣安處蓋所謂素患難而行乎患難者故雖嶺陬海隅蠻煙瘴雨之地未嘗不安也況山陽乎高風凜然可畏而仰

跋晦翁感興詩

乾之四德迭運不窮其本則誠而已矣誠卽太極也其所以播羣品者誠之通也其所以固靈根者誠之復也通則爲仁爲禮復則爲義爲智所謂五行一陰陽陰陽一太極也然動靜循環而靜其本

西山題跋

卷之一
六

汲古閣

故元根於貞而感基於寂不能養未發之中安得有既發之和故此詩謂世人之擾擾適以害道不若林居之士靜觀密察猶能探萬化之原要之道無不在初不以出處喧寂爲間善學者當求先生言外之意云

跋鄭大惠飯牛集

予嘗爲豫章黃量題其詩卷云乾坤有清氣散入詩人脾此唐貫休語也天地間清明秀傑之氣盤

西山題跋

卷之一
七

汲古閣

礴充塞無處不有顧受之者何如耳詩曰瑟彼玉瓚黃流在中玉瓚至寶也黃流至潔也夫必至寶之器然後能受至潔之物世人胷中擾擾垢汙萬端如聚蟻虻如積糞壤乾坤清氣將從入哉清氣不入其中則雖求片言之有味不可得況能摹寫大化羅絡萬象道人所不到者乎黃生頗以余爲知言谷口鄭君示予所謂飯牛集者其詩清絕可愛讀之如咀冰雪意必有得於此故書以勉之

跋蕭定所藏胡文定碧泉詩卷

碧泉詩卷財數紙爾而胡氏父子昆弟師友手澤皆在焉伊洛二先生之學賴龜山楊氏傳之而南文定得之以授五峰■峰傳之南軒其道益以光大此卷諸詩雖爲泉流而作然玩其辭意則師友間授受之微指有蔚然可見者非尋常賦詠比也蕭君其尚寶之哉

跋張魏公不欺室銘

西山題跋

卷之一
八

汲古閣

衛武公年九十五矣猶作抑戒以自儆曰相在爾室尚不愧于屋漏無曰不顯莫予云觀蓋耄期不亂如此故其沒也謂之叡聖武公張忠獻公作此銘於易簣之際其視武公尤有加焉王忠文公與公均爲一代正人故其詩與銘大略同旨後之君子有志於正心誠意之學者當深味其旨

題劉靜春與彭止堂帖併彭仲誠墨莊五詩

後

靜春之學窮幽探微止堂之節星日同輝惟仲誠
父示余斯帖使我慨然興懷前哲清泉鑑物菡萏
浮香我讀君詩如游墨莊老成云亡典刑猶在謂仲
誠也尚爲斯文努力自愛

跋陳復齋爲王實之書四事箴

余在星沙以廉仁公勤四事勉僚屬王實之作此
箴遺予當揭之幙府之壁與同僚共警焉復齋
陳公師復又爲大書此本實之之箴明厲峻切讀
者已知悚畏復齋之字森嚴清勁見者便如端人
正士之在前尤當凜然興敬也

跋邨氏族系

邨氏本末具見於春秋夫耨婦饁相敬如賓此其
所以興族大而侈情棄君命此其所以替然則一
敬一肆而家族之盛衰基焉亦可畏矣自春秋後
數百年而詭顯於晉自晉後幾千年而太治君復
以高第有聞於時東坡有云君子之澤豈止五世

西山題跋

卷之一
九

汲古閣

而斬蓋得其人則可至於百傳信哉侍郎王公旣
爲辨其族姓之所出于復爲推其盛衰之繇以書
于後

跋楊和父印施普門品

余自少讀普門品雖未能深解其義然嘗以意測
之曰此佛氏之寓言也晉唐李文公問藥山禪師
曰如何是黑風吹舡飄落鬼國師曰李翱小子問
此何爲文公怫然怒形於色師笑曰發此瞋恚心

西山題跋

卷之一
十

汲古閣

便是黑風吹船飄落鬼國也吁藥山可謂善啓發
人矣以是推之則知利欲熾然卽是火坑貪愛沉
溺便爲苦海一念清淨烈焰成池一念警覺船到
彼岸災患纏縛隨處而安我無怖畏如械自脫惡
人侵凌待以橫逆我無忿嫉如獸自犇讀是經者
作如是觀則知補陀大士真實爲人非浪語者楊
君和父刊本以傳輒誦淺聞下一轉語庶幾觀者
不無小補云

跋傅侍郎奏議後

右竹隱先生侍郎傅公奏議十卷建安真某伏讀而歎曰嗚呼此足以觀公立朝事君之本末矣昔柳下惠爲士師三黜孔子取之孟子因枉尺直尋之問反復論辨終之曰枉已者未有能直人者也學者平時誦孔孟之言孰不以直道自期一旦立人之朝寵祿餌於前而刑禍怵於後鮮有不委已徇人而畔其素學者雖或勉強於一時之暫而知之不深守之不固一絀而悔者有矣若再三絀焉而不悔則幾希矣至於直道自持終其身而不悔則雖古管亦無幾焉求之於今若公者其可謂庶幾乎此矣蓋公前後立朝者三初爲將作丞其去臺閣無幾也中爲郎爲卿典領餉事其去侍從無幾也晚爲諫大夫勸講經幄其去執政又無幾也使它人處此借委曲就事之名以行其容身固位之計顧何嚮弗獲而公則不然當慶元初韓侂胄

西山題跋

卷之一
十一

汲古閣

始用事既逐宰相以顯大權遂欲偕朋黨之名以
空在廷之善士中外震懼無敢撓其鋒者而公以
小臣進對獨懇懇爲上言之曰自管國家之患其
始皆萌於好惡之私而其卒至於橫流而不可揀
漢之黨錮唐之黨人本朝之黨籍大抵繇此不可
不戒坐是不合而補郡以去及侂胄用事歲久微
倖不賞之功以遂其不臣之志於是邊釁浸開而
在廷無復異議者公因火災旣逆論其不可出使

西山題跋

卷之一
十二

汲古閣

鄂渚復因董達事一再昌言于朝乞諭邊臣毋妄
動以疑敵且移書侂胄深陳其所以不可之狀坐
是愈不合而罷斥以歸及事變旣極公之言遂爲
靈著大蔡上亦息公之忠擢任諫爭宜若少伸其
志矣而又不克久於其職蓋公之爲人知有國之
利害而不知其身之安危知範我之馳驅而不知
詭遇之有獲故屢進而屢不合也昔公之先正獻
簡公爲諫官御史四年論事凡百六十餘章公在

諫垣財五十餘日所上亦十有三奏觀其欲修后
範以正化本斥闕尹以遏姦萌合異同以銷朋黨
辭氣和平直而不激藹然有獻簡之風至解罷言
職遷吏部侍郎不視事而去則又祖孫相望如出
一轍嗚呼偉哉唐史稱魏謩議論挺挺有祖風烈
嘗考鄭公之後歷十有四朝而後有謩今傅氏自
獻簡公以清忠直節爲元祐名輔弼再傳至忠肅
公以至忠大義爲有宋伏節死難之臣又再傳至
西山題跋

卷之一
十三

汲古閣

公以精忠遠識爲嘉定名臣之冠由是觀之其賢
於魏氏遠矣今天子寤寐賢哲以濟時艱而公耆
艾精明屹然爲國壽雋一朝幡然而起付以大政
盡行平替之言而措斯世於大安大寧之域其必
有日矣某旣幸挂名於奏議之末而又朝夕以俟
嘉定己卯正月敬書于溫陵郡齋

石鼓挽章祭文後

嘉定十年某自江東漕計移守泉提舶使者趙侯

崇度實攝州事侯丞相忠定公子也慶元初忠定公以讒去位薨於衡陽海內之士知與不知皆爲流涕某時年十八九以進士游都城聞被誣始末已知切齒痛忿念恨不請尚方劍以誅姦臣其後官于朝始獲與公元子吏部游相好及來南復代侯爲郡且聯事又締姻焉間相與道初元時事往往語未終輒相飲悽然泣數行下某曰侯知先相國所繇致禍者乎三代以前元老大臣若咎夔伊

西山題跋

卷之一
十四

汲古閣

傅姬召之倫皆福祿終其身而慶澤流於後豈獨爲善之報哉人心正而世論公讒慝不行其間故也然周公之聖已幾不免羽譙音曉之詩至今讀者猶爲公太息吁亦危矣使無雷電大風之警戒王終不悔悟周之爲周特未可知也夫以周公之聖成王之明又當人心正世論公之日且猶若是而況於後世乎則夫盡忠竭節之臣常困於讒口而不能以自白固其所也然是非者人心之天可

蔽於一時不能使不復於後日惟其復有蚤算故
其禍有淺深某嘗竊論近世大臣功在社稷而不
免於難者有三人焉寇忠愍公司馬文正公與忠
定公是也忠愍攘卻暴虜遺邊鄙百年之安天禧
之末羽翼儲后赤心如日而有雷州之遷文正乘
熙豐末流與民更始銷禍亂而開太平而其沒也
有朱崖之貶忠定以同姓之卿戮力帝室挈大明
而東昇轉危機於反掌而有零陵之徙三君子盡
西山題跋

卷之一
十五

汲古閣

忠於國大抵略同而受禍亦略相似然雷州之行
未幾神文親政讒者聖紬者舒公雖不幸隕沒而
褒飾光榮誣枉昭白故天下幾危而亟安忠定之
斥十有三年權臣顓執國命至于兵禍作生靈暴
骨者數十萬而後聖主赫然收還威柄伸久鬱之
冤故天下旣危而漸復獨溫公不幸更紹符崇宣
之變群邪踵躡用事者三十餘年卒之犬戎內侮
二聖播遷然後是非以定故天下遂亂而幾不可

救由是觀之正人君子之進退伸誦豈一身一家
之利害哉爲人上者可以鑒矣至於小人之害君
子其志本以徼權利盜寵榮及公道旣明卒亦不
免故姦詐窮而丁謂竄咎旣盈而蔡氏僂罪釁極
而佞胄誅皆流毒遺臭死有餘責彼三君子者身
沒而道光事久而功白千載之下望其風烈如神
人然是果孰爲失得邪十二年八月侯奉詔守邵
陽將行以諸公所爲忠定公挽章哀詞示某曰子
西山題跋

卷之一
十六

汲古閣

其可無一言乎某謂公之勳烈不埃贊詠而明獨
其已然之迹有可爲殷鑒者故樂爲侯道之而其
撫事興懷感今悼昔又不勝其慨然也中秋日建
安真某敬書於忠獻堂

蔡真人誥碑

嘉定十一年十月三日有詔泉山清源洞沖應善
利靈濟真人加昭博之號爲八字真人先是十年
夏五月不雨臣始至官問僊祠靈官之著驗章灼

者咸以真人對臣亟禱焉未幾遂雨是年冬旱臣
往禱焉又雨越明年春洎秋膏澤時至田高下磽
腴皆告稔米斗百錢黃馘稿項之叟謹曰咎未曾
有也非真人之靈實大芘吾土顧安獲此哉於是
相帥以其事白於州州諭於部使者下其書旁郡
審覆之如本州言乃以聞天子嘉焉命有司撫其
名之顯且大者以旌真人之功嗚呼美哉謹按真
人蔡氏世傳其系出晉司徒文穆公謨文穆八世
西山題跋

卷之一
十七

汲古閣

孫夔節度嶺南歸至泉以歿子孫因家焉真人事
唐爲金部員外郎太原守晚棄簪紱隱於州之北
山修辟穀鍊氣之術以方技濟人旣仙去歲久而
其靈愈章皇朝崇寧中始封虛應先生紹興九年
封冲應真人二十三年加封善利乾道三年又加
靈濟至是遂加昭博焉臣竊觀前世人主崇尚道
家神仙之說者大抵以希長年斬福應往往受媒
方士爲百代嗤惟我聖朝受天眷命以作神主凡

老氏浮屠氏與山川祠廟之靈惟能時雨暘弭菑
沴有功于人者迺始錫號名秩祀典否則雖奇怪
詭特有不與焉蓋志在斯民而不自爲此其所以
跨絕前代也又惟真人之清虛澹泊未嘗震耀威
福以警動世俗耳目而民之歸仰自不能忘朝廷
褒封之典自不能已亦猶有道君子爲善於幽隱
閭寂之地不求人知而卒不可掩豈不尤可貴也
哉臣旣以所下制書刻之梓而又叙其本末使後
西山題跋
卷之一
十八
汲古閣

世知聖朝所以寵命真人而真人之所以膺受寵
命者其大指蓋如此以備清源故事云十二年八
月甲子朔具位臣真某記

梅溪續集

慶元中某竊第來歸鄉之儒先楊君明遠出一編
曰南遊集以示某曰此永嘉詹事王公之所作也
某時尚少未悉公行事本末然嘗誦晦菴先生所
爲梅溪集序則已知公爲一代正人矣及得此編

益加鄉慕宦游二十載率齋以自隨若讌邑宰與
中和安靜堂等詩口之熟焉嘉定丁丑蒙恩假守
獲繼公躅於四十七年之後邦人父老語及公者
必感激涕零堯夫牧兒亦知有所謂王侍郎也公
何以獲此於人哉蔽之以一言曰誠而已矣蓋公
之爲人襟度精明表裏純一其立朝事君空臆盡
言櫻龍鱗而不悔者此誠也居官牧民矜憐摩撫
若父母之於赤子者此誠也至於爲詩與文絕去

西山題跋

卷之一
十九

汲古閣

雕琢渾然天質一登臨一燕賞以至賦一卉木題
一巖石惓惓忠篤之意亦隨寓焉嗚呼賢哉宜泉
人之咏嘆而不忘也集版藏之郡齋歲久浸或刊
缺屬議刊整而郡士林君彬之爲某言公勸農戒
訟等文猶有未見於集者而公之孫夔通守莆中
亦出公書問三十餘通皆在泉時作前輩風流日
以益遠雖弄翰戲墨猶當勤勤收拾而況藹然仁
義之言皆有補於世教者乎因併刻之命曰梅溪

續集使來者得以覽觀焉已卯九月己亥建安真
某記

歐陽四門集

歐陽四門集鈔版郡齋有年矣嘉定己卯郡士林
彬之爲余言四門之文之行昌黎韓文公蓋亟稱
之至黃璞爲閩中名士傳乃記太原妓一節觀者
疑焉近歲黃君介諭君良能皆嘗爲文以辨謂宜
登載編末以澡千載之誣余曰四門之行獲稱於

西山題跋

卷之一
二十一

汲古閣

昌黎而見毀於黃璞後之君子將惟昌黎是信乎
抑惟璞之惑乎二君雖無言可也不載之編末亦
可也雖然有一焉自世之學者離道而爲文於是
以文自命者知黼黻其言而不知金玉其行工騷
者有登牆之醜能賦者有滌器之汙而世之寡識
者反矜詫而慕望焉曰夫所謂學者文而已矣華
藻患不縟何以修敕爲筆力患不雄何以細謹爲
嗚呼倘誠若是則所爲文者特飾姦之具爾豈曰

貫道之器哉彼宋玉寓言以諷未必真有是若相
如之事則君子蓋羞道之服儒衣冠誦先王言不
惟顏冉是學而曰吾以學相如也抑何其陋邪四
門之謗不自於四門乎何傷余懼夫士之苟焉自
恣者將曰四門唐名士也而有此吾爲之奚尤則
璞之一言不獨以厚誣四門且將斲學者於無窮
也乃刊二君之文如彬之請又附其說如此庶幾
有補於萬一云九月庚子建安真某書

西山題跋

卷之一
二十一

汲古閣

儲襄陽申請

右清源儲公行之鎮襄陽時所申請也答有問守
邊於河汾王氏者王氏曰羊祜陸抗仁人也可使
余謂羊陸豈真能仁者哉然以其當戰爭之時而
不爲剽盜斂攘之舉其迹有近乎仁者是以君子
有取焉至於邊民之去敵歸已者則未聞其麾而
距之也而近歲之守邊者乃曰吾與虜和有日矣
中國之民虜之民也虜之民歸我而我受之是失

信于虜也非晉者羊陸不相侵之義也故寧驅之殺之而不敢救嗟夫羊陸惟其能全敵國之民故世以仁稱之今其來歸者雖曰敵國之民實吾國之遺民也殺吾國之遺民以媚敵國此不仁之尤者也而曰吾以學羊陸豈不悖哉當開禧時權臣志在興事則以奴隸之材穿窬之智涉其境而蹙其民是以堂堂大國而爲盜於邊也執事者誠懲開禧之失盍亦謹敕有司毋爲邊民之盜足矣爲

西山題跋

卷之一
二十二

汲古閣

邊民之父母獨不可乎孟子曰今人乍見孺子將入於井皆有怵惕惻隱之心今吾遺民不幸而厄於虜之水火其危迫可憐之狀甚於孺子之入井而未嘗有爲之惻然者已非復人心矣況從而驅之殺之是惡赤子之求乳舉而撲之地也嗚呼痛哉以余聞之蓋爲邊民而能以保民爲志者僅二三人而公其一也始公之初至襄陽則已料遺民之必來而獻可納不可拒之說矣及其後也果有

樊快明之事焉制閫之臣大書以揭于邊曰有入
吾境者必殺無貸公於是時不敢爲全身遠臯之
計條三說以獻于朝曰快明之黨蓋二千六百餘
人急之則懷等死之心勝之不足爲武不勝則邊
民魚肉爲隣境笑是吾國代虜受禍中原赤子苦
其虐政相率來歸若驅而陷之死地則公邊之人
莫不痛忿是吾國代虜受怨河南豪傑朝夕且起
聞吾殺附必懷不平之心他日得志將移仇虜之
心而仇我矣是吾國代虜受讐嗚呼公之爲國慮
者可謂切至也已使執事者因公之言集衆思以
圖長策必有以慰中原之心而弭異日之患者奈
何時論旣殊而帥衆來歸者卒殞於邊將之手而
公亦以罷歸矣蓋方是時任邊寄者爭以殺附爲
功而公之持論顧如此空其落落難合也然公寧
不與人合而不敢不與天合夫好生而惡殺者天
之道也臯當殺古人猶不敢苟況於無臯而殺之

者乎余時方在金陵風霾漲天累日氣入人鼻皆酸意其必有與也未幾乃有以漢上之事告者撫膺而喟者久之謂天道遠其果信然邪戇直迂愚夙所痛悼因覽公申請輒復慨然有動于中而筆之卷末後之君子其亦有感於斯言也夫嘉定己卯十月三日建安真某書

東坡書歸去來辭

東坡謫嶺南故舊少通問者在蜀惟巢元修在吳

西山題跋

卷之一
二十四

汲古閣

則僧契順皆徒步萬里訪之於荒陬絕徼之外元脩以是登名青史號稱卓行契順亦託此以傳真可敬哉契順之言曰惟無所求故來惠州蓋有求則有欲有欲則失其本心是非顛倒有不自知者世之小人疾視君子至欲擠之死者豈皆其本心正坐有欲故爾趙公珍藏此帖間出以示人所補多矣己卯歲除前十日書於南昌郡齋

近歲有嘗登大人先生之門者既而黨論起其

人畏禍匿迹過門不敢見則以書謝曰非不願見也懼爲先生累耳先生答曰予比得一疾奇甚相見則能染人不來甚善闖者代爲汗下吁之人也蓋以通經學古自名而其行義顧出一浮屠下昌黎墨名儒行之說渠不信然因戲書于後以發千古一笑

顏魯公與郭定襄論坐次帖

按郭英又時爲尚書右僕射定襄郡王此帖當是西山題跋

卷之一
二十五

汲古閣

與英又者僕不嫻書學未能辨其爲第幾帖獨觀公秉禮陳義以斥英又之驚而折朝恩之驕論正氣嚴凜凜冰雪真可畏而仰也或曰英又小人公顧期之以直諒毋乃失言也乎是不然君子未嘗絕人特人自絕於君子爾英又始結朝恩後附元載自謂富貴終身可保迄不免成都之禍世之依憑城社而視清議爲不足卹者可以鑒矣

二吳公帖

正肅公精忠大節諸名流題跋及之詳矣愚獨感
公副西樞時論邊事一疏有曰議者謂夷狄相攻
廼中國之利臣謂不然二虜連兵士馬益練一虜
幸勝則氣驕而勢橫別啓貪求必致生事宜申飭
二府講求經武備邊之冊庶幾夷狄聞之可銷患
於未萌嗚呼公之言用於慶曆故不見其功後七
八十年金遼交闕廷臣動色相賀亡復如公之所
憂者未幾女貞一勝而橫迄如公言然後知正人
西山題跋

卷之一
二十六

汲古閣

息

正憲公忠誠爲國與正肅略同而所遇者與蓋正
肅參大政時朝列多君子雖危言切論數與小人
忤坐是不果相然始終寵遇不少衰正憲登庸寔
繼荆舒氏曰珪曰確前沮後排其志弗獲一日伸
然猶崎嶇讒邪中陰護正人力扶公論蓋死而後
已以是羣姦切齒至興懷素之獄逞報復之私由

今觀之公之清名亮節皦如白日遺墨敗楮人爭寶之其眎鬼蜮之徒身死名滅與鼠狗不異是果孰爲得失邪提筦君蓋公之諸孫方以才業著實能世其家者然則吳氏之興殆未艾也

陳慧父竹坡詩藁

昔王子猷居必種竹曰何可一日無此君而子猷行不副名見謂汗濁然則子猷固愛此君政恐此君不愛子猷耳今竹坡君並溪而廬種竹萬箇而

西山題跋

卷之一
二十七

汲古閣

有詩千篇好風涼月長陰其間此君有知亦當欣然爲君一笑也建人真某爲作歌曰萬玉兮森森清風兮滿林有幽人兮高蹈時擊節兮長唳長唳兮陸續鳳爲起舞兮鸞爲度曲羌此樂兮誰知簞瓢兮亦足

任漢州所藏朱文公與南軒先生書帖

按南軒先生二書皆將去桂林時作任侯所藏文公先生帖正其往復者也當乾道淳熙間二先生

更相師友以斯文爲己任一言論一著述反復講
磨必極其至當而後已此書所論中庸近思蓋其
一也夫以二先生之學可謂深造自得者矣而猶
汲汲於友朋之助如此況學者乎文公記濂溪書
堂以爲斯文之傳惟天所畀乃得與焉此帖所謂
發明天命之意是也夫濂溪生千載之後而接孔
孟不傳之統信天之所畀矣二先生並時而出講
明斯道以續周程之正脉謂非天意可乎雖然天
西山題跋
卷之一
二十八
汲古閣
非獨私於二先生二先生亦未嘗以自私也學者
誠能因其言以求其心繇下學之功馴致於上達
之地則道在我矣若曰二公天人匪學可到習舛
守陋姑以自賢於世俗而已豈惟非二先生之心
實有負於天也文公有不謂命之云意或在是故
併及之

任漢州發策本末

嘉定庚午余與姑蘇黃公並直禁林暇日語余慶

元間營揀發策事甚悉予謂任陳林三君子憤權臣之顛恣奮筆詆呵而忘其禍之及黃公憫善類之蒙害悉力全護而不計其身之危皆非賢者莫能爲也會公求去余適視草遂引是以畱之俛仰十五年間公與陳林二君不復可見獨任侯敷歷中外功名燁然未艾也侯嘗反思當時所以策士者果何所爲而然哉愛君之誠逼塞於中有不能自己者爾此卽孟氏所謂惻隱之心天理自然之西山題跋

卷之一
二十九

汲古閣

妙也完而養之勿雜則與時格君事業特自是充之而已任侯其勉諸

楊文公書王溪生詩

此吾鄉文公書也國朝南方人物之盛自浦城始浦城人物之盛自文莊公及公始當咸平景德間公之文章擅天下然使其所立獨以詞翰名則亦不過與騷人墨客角逐爭後先爾惟其清忠大節凜凜弗渝不義富貴視猶涕唾此所以屹然爲世

之郭郭也歟某蓬藿之居距公故第不數里蓋嘗
徘徊終日想公遺風而不得見今迺從公之孫零
陵史君獲觀其真跡斯亦幸矣嗚呼前輩之典刑
日遠鄉邦人物旣寥寥其可數而楊氏之後如史
君者復幾人其不可歎也夫其可不更相勉勵也
夫

許介之詩卷

予聞介之詩名舊矣歲甲申携其詩數百首訪予

西山題跋

卷之一
二十一

汲古閣

於星沙曰某之少也獲登平園誠齋之門二先生
不予鄙也皆相期於詞章之域今齒日長矣懼無
以副二先生之望柰何予視其人昂然鵠立其論
說今古娓娓不窮則爲之悚然曰二先生之知子
厚矣然予視子豈直詩人也哉其智略縱橫可以
參閭外之畫其雄辨慷慨可以使不測之虜二先
生期子於詞章之域子將俟子於功名之會可乎
雖然功名外物爾君子之所性有不與存焉子房

孔明非義在于復韓仇討漢賊雖終身巖穴可也
豈汲汲於科名斬以自見也哉士苟自重其身則
凡在外者舉不足計也然則予將進子于道德之
場可乎蓋道德者君子成身之本功名則因乎時
而詞章又其末也介之勉乎哉子之先右丞公在
艱難時事業雖不克盡究而嘉言直道與李忠定
公略相伯仲天下以正人許之而潛心聖經作爲
訓傳則又有先儒所未發者介之歸而求之有餘
西山題跋

卷之一
三十一

汲古閣

矣若夫介之詩詞之敏麗則有諸公之題品在故
不復云

胡子知言藁

孟子以知誠淫邪遁爲知言胡子之書以是名者
所以辨異端之言與吾聖人與也楊墨之害不熄
孔子之道不著故知言一書於諸子百家之邪說
辭而闢之極其詳焉蓋以繼孟子也學者誠能深
味其指則於吾道之正且大異端之徧而小若辨

白黑若數一二矣蕭君定夫以其所藏真稿示余
敬拜而書其後

呂子約與彭仲城帖

大愚呂公清風直節爲一世偉人某不及見之矣
而獲見所與彭君仲誠講學數帖其論讀明道行
狀可以觀聖賢氣象讀書以論語爲主履踐以毋
自欺爲本富哉言乎豈惟仲誠父當終身服膺善
學者皆當寫此一通寘諸座側

西山題跋

卷之一
三十一

汲古閣

金尚書撰陳丞相誌銘藁

周丞相跋云某幼學之年已聞黜欵金公彥亨
爲名御史論擊權彊無所避紹興戊午春以母
憂去朝服闋秦丞相抑而弗用凡二十年當已
卯歲高宗以宗正少卿召還歷禮部侍郎給事
中壬午六月壽皇初卽位眷待良厚是秋某以
起居郎兼中書舍人同在後省見公直諫多聞
年高而德劭每與從官歎其不可及吏部徐侍

郎度因爲某言政和宣和間後生少讀史一日
沈狀元晦以博學至京師東南士子翕然宗之
來者滿門聞舉古事莫不竦聽惟公在下坐數
搖其首鄉人問故則示某事誤矣某事非也退
而考按信然蓋公於史傳皆能默記叩之往往
成誦迄今不以史書自隨其學問可知矣至若
端重誠實上不欺君則又有可紀者特表而出
之某兼西掖之二日有旨婉容翟氏進封本位

西山題跋

卷之一
三十三

汲古閣

官吏並合推恩內礙正法人特與轉行卽今壽
成皇太后也時給舍每同銜繳駁某密語公妃
嬪位非中官卽醫流皆礙正法前德壽推江上
扈從賞今上覃恩金不轉行正令回授似當論
奏公歎曰君言是也近夏賢妃位推恩某實未
曉已書牘行下今恐相戾君自繳奏可也某曰
若爾尚當商量庚申講筵公與某偶皆以職事
畱身初不知公奏何事但望見公再拜殿上退

而某升甫至榻前上迎勞云朕初謂卿止能文
適金按節說卿欲論婉容位轉行礙正法事不
謂卿剛正如此真全才也可便進文字來某然
後知公忠直不遂非又如此章旣上御批依奏
夏妃位官吏亦令依條回授此事非獨著公盛
德壽皇可謂從諫如轉圜矣後三十四年公之
孫承直郎鑄錢司檢達官箠示公文藁求予一
言敬題其後以補家傳之闕若公文亂典雅如

西山題跋

卷之一
三十四

汲古閣

其爲人識者自知何待贊也慶元元年九月日
少傅觀文殿大學士致仕益國公周某書

楊閣學跋云某隆興元年冬詣吏部受署一日
謁中書舍人澹庵胡先生坐未定門外傳呼重
客至某亟屏齋房避之見主賓四人皆鬢髯皓
白衣冠峻整進退莊敬以問先生之子泳指曰
此爲彥亨金公此爲龜齡王公此爲邦彥陳公
是時羣賢充朝氣象如此慶曆元祐間而茲四

人者又其選也其名曰著望若神人然而某乃
得以瞻其聲尤私竊自慶以謂雖商山之四皓
何必減焉後三十六年得金公之文彙於其孫
篋首篇蓋公所作文恭陳公墓誌銘也讀之終
篇蓋自歐陽公碑王文正公之後才見此耳蓋
二相之文相爲頡頏云敬書其後慶元戊午季
冬中幹日太中大夫煥章閣待制楊某書

觀平園誠齋二公所書見當時從臣同心體國小

西山題跋

卷之一
三十五

汲古閣

有闕失不惜盡言又以見一時耆文魁壘之士峨
冠委佩畢萃朝廷如三老歸周四皓在漢也此皆
阜陵初政而氣象如此二十八年之治蓋可占矣
遐想盛事爲之三嘆寶慶改元六月戊午朝請大
夫新除禮部侍郎兼同修國史實錄院同修撰兼
侍讀真某書

王舍人元石家傳

公諱介

故集英殿修撰王公爲祕書監時某備數三館及

遷少宗正又以玉牒檢討與纂修之屬焉公不鄙其愚所以顧期許者甚厚故於公立朝本未知之最詳今觀公之子塾所爲家傳言言皆實錄也嗚呼以公之忠誠亮節正學遠識使得盡發所蘊施之朝廷其益詎可量邪而一時議論往往柄鑿難合以故不能安於朝而去旣去不復召者數年而公沒矣可勝歎哉可勝惜哉某嘗竊論公平生所立蓋有汲長孺王元之之風恨世之知公殊少

西山題跋

卷之一
三十六

汲古閣

因讀家傳輒書于卷之末異時有良史者出未必無取於斯言云

趙浦城祖殿撰叔近遺事

予讀昌黎公所誤曹王臯碑未嘗不慨然壯其爲人王之帥湖南也戍將國良以武岡叛羣諸道兵討之未克而王從一騎五百里抵良壁呼而諭之盡降其軍是王以一身而賢師徒數十萬也方杭卒據城以叛勢張甚趙公旁郡守爾擁兵眦成敗

誰能而訾之顧獨奮然投袂曉以天子威德使凶
儔逆類悚然動心脫錢塘生齒億萬於飢虎之喙
功與曹王埒而艱倍之二公以帝室之胄遭時多
難而能有所成就如此顧不偉哉然曹王卒以勳
名自終趙公未幾卽殞於媚嫉者之手有曹王之
才之功而無其命蓋可歎矣紹興間雖嘗白其沈
寃追秩書殿而卹後錄孤之典迄爲文俗吏所軋
不果行尤可歎也然世未有屈於人而不伸於天

西山題跋

卷之一
三十七

汲古閣

者以公忠烈曾亡一命之賞以燾後而自孫及曾
接踵種科級奕相照於太常名藉中以予所識若
會稽別駕浦城大夫之才且賢蓋所謂玉之英瑤
而羽之五采者也彼媚公者能厄其身於一時不
能使天不昌其後於異日自簪志士仁人所爲特
立獨行而弗顧者以天爲足恃而已嗚呼公其可
以無憾矣夫

題李果齋所書鄭伯元詩後

予與公晦爲僚于泉山二年之間於學問文章源流幾亡所不講獨罕言詩意其未暇屬意也今公晦仙去已七年始於其弟耘叟處見其手寫鄭伯元詩及登太白墳所作用工之深乃如此然則詩之外其所未言者豈少哉管坡公謂吾於與可知之者蓋亡幾其不可者不可勝計某於公晦亦云耘叟筆力超拔甚似其兄見之如見公晦令人愴然興九原之悲云紹定庚寅十月甲子西山真某

西山題跋

卷之一
三十八

汲古閣

書

西山題跋卷之一

